

# ХИЗМАТ КЎРСАТИШ (ИШЛАРНИ БАЖАРИШ) ШАРТНОМАСИ № \_\_\_\_\_ (намунавий лойиҳа)

Тошкент ш.

«\_\_\_» \_\_\_\_\_ 2025 й.

Бундан буён матнда “Буюртмачи” деб аталувчи “Toshkent Invest kompaniyasi” АЖ номидан жамият Низоми асосида иш олиб боровчи Бошқарув раиси Шакиров Б, бундан буён матнда “Ижрочи” деб аталувчи, \_\_\_\_\_, номидан \_\_\_\_\_ асосида иш олиб боровчи \_\_\_\_\_ иккинчи томондан ушбу шартномани қуйидагилар тўғрисида туздилар:

## 1. ШАРТНОМА ПРЕДМЕТИ

**1.1.** Ушбу шартномага биноан Ижрочи Буюртмачининг топшириғига биноан хизмат кўрсатиш/ишни бажариш (бундан буён матнда "хизматлар" деб юритилади), Буюртмачи эса хизматларни қабул қилиш ва ушбу хизматлар учун ҳақ тўлаш мажбуриятини олади.

Хизмат турлари, уларнинг миқдори ва нархи ҳамда хизмат кўрсатиш муддатлари ушбу шартноманинг ажралмас қисми бўлган 1-иловада берилган.

**1.2.** Хизматлар (ишлар) Буюртмачи ёки унинг ваколатли вакили томонидан қабул қилиш далолатномаси имзолангандан кейингина кўрсатилган ҳисобланади.

## 2. ШАРТНОМА НАРХИ ВА ТЎЛОВ ТАРТИБИ

**2.1.** Шартноманинг умумий миқдори \_\_\_\_\_ (\_\_\_\_\_) (Қурилиш монтаж ишларидан-\_\_\_% ташкил этади).

**2.2.** Амалга оширилган қурилиш монтаж ишлари қийматидан келиб чиқиб, шартноманинг якуний қийматига аниқлик киритилади.

**2.3.** Буюртмачи Ижрочиининг ҳисобварағига у томонидан мазкур Шартномага мувофиқ ҳақиқатда бажариладиган хизматлар (ишлар) тўлиқ якунланганидан ва туловни қабул қилиш далолатномаси ва ҳисоб фактураси имзолангандан сунг \_\_ (\_\_\_\_) иш кунида туловни ўтказиш мажбуриятини олади.

**2.4.** Кўрсатилган хизматлар (ишлар) учун учун тўлов \_\_\_\_\_ х/р пул кўчириш йўли билан ўтказилади.

## 3. ТОМОНЛАРНИНГ ҲУҚУҚ ВА МАЖБУРИЯТЛАРИ

### 3.1. Буюртмачи қуйидаги ҳуқуқларга эга:

**3.1.1.** Буюртмачидан шартномани шартларини бажаришда амалдаги давлат стандартларига ва бошқа меъёрий ҳужжатлар нормаларига риоя қилишни талаб қилиш;

**3.1.2.** Ижрочидан сифатли хизмат кўрсатишни талаб қилиш.

**3.1.3.** Ижрочи томонидан сифатсиз хизмат кўрсатилган тақдирда, ўз танловига кўра, қуйидагиларни талаб қилиш:

- сифати лозим даражада бўлган бошқа хизмат билан алмаштиришни;
- хизматдаги нуқсонларни қўшимча тўлов олмасдан бартараф этиш ёхуд Буюртмачига учинчи шахслар томонидан бартараф этилган нуқсонлар ҳаражатларини қоплаб бериш;
- нархни мутаносиб равишда камайтириш;
- Ижрочидан шартнома шартларини бажармаслик ёки лозим даражада бажарилмаслиги натижасида етказилган зарарни қоплашни талаб қилиш.

### 3.2. Буюртмачининг мажбуриятлари:

**3.2.1.** Кўрсатилган хизмат (ишлар)ларни ушбу шартномага мувофиқ қабул қилиш;

**3.2.2.** Ушбу шартноманинг 2.2.-бандида кўрсатилган миқдордаги тўловни топшириш-қабул қилиш далолатномаси имзоланганидан кейин \_\_\_\_\_ кун ичида амалга ошириш.

### 3.3. Ижрочининг ҳуқуқлар:

**3.3.1.** Кўрсатиладиган хизматлар (ишлар) учун аванс тўлови ва якуний тўловларни мазкур шартномада белгиланган тартибда ва ҳажмда тўланишини талаб қилиш;

**3.3.2.** Кўрсатилган хизматлар Буюртмачи томонидан асоссиз равишда қабул қилишдан бош тортиш натижасида етказилган зарарни ариза бериш орқали талаб қилиш.

**3.4. Ижрочининг мажбуриятлари:**

**3.4.1.** Хизматларни мазкур шартномада белгиланган муддатда, ҳажмда ва сифатда кўрсатиш.

**3.4.2.** Хизмат кўрсатиш жараёнида ушбу шартнома шартларига/амалдаги нормативларга риоя қилинмаганлиги аниқланганда, Буюртмачининг талабига кўра, аниқланган камчиликларни \_\_\_\_\_ календарь кун ичида, қўшимча тўловларсиз бартараф этиш.

## **4. ШАРТНОМАНИ БАЖАРИШ**

**4.1.** Мазкур шартноман унда белгиланган шартлар ва талабларга ҳамда Ўзбекистон Республикасининг амадаги нормативларга асосан лозим даражада бажарилиши керак.

**4.2.** Шартномани бажаришдан бир томонлама воз кечишга ёки шартнома шартларини бир томонлама ўзгартиришга йўл қўйилмайди, конун ҳужжатларида белгиланган ҳоллар бундан мустасно.

**4.3.** Хизматларни қабул қилиш далолатномаси имзоланган сана шартнома мажбуриятлари бажарилган сана бўлиб ҳисобланади.

Ижрочининг ҳисобварағига пул маблағи келиб тушган сана, Буюртмачини мажбурияти бажарилган сана ҳисобланади.

**4.4.** Кўрсатилган белгиланган муддатларда бажарилмаганда, Буюртмачи кўрсатилган хизматларни қабул қилишни рад қилиш ҳуқуқига эга.

**4.5.** Буюртмачи кўрсатилган хизматлар (бажарилган ишлар) натижасидан норози бўлган тақдирда, далолатнома олинган кундан бошлаб \_\_\_\_\_ кун ичида Ижрочига кўрсатилган хизматлар (бажарилган ишлар) ни қабул қилишни асослантирилган ҳолда рад этиш.

**4.6.** Кўрсатилган хизматлар (бажарилган ишлар) бевосита Буюртмачининг ваколатли вакили орқали қабул қилиш далолатномасига асосан қабул қилиб олинади, далолатномада кўрсатилган хизматлар сони, уларнинг сифати қайд этилган бўлиши лозим.

## **5. ТОМОНЛАРНИНГ ЖАВОБГАРЛИГИ**

**5.1.** Ижрочи ушбу шартнома бўйича ўз мажбуриятларини бажармаган тақдирда, Буюртмачига бажарилмаган қисмининг ҳар бир кечиктирилган куни учун \_\_\_\_ фоизи миқдорида, лекин мажбуриятларнинг бажарилмаган қисмининг 50 фоизидан кўп бўлмаган миқдорда пеня тўлайди.

**5.2.** Кўрсатилган хизматлар (ишлар) учун тўловлар ўз вақтида амалга ошрилмаган тақдирда, Буюртмачи Ижрочига кечиктирилган ҳар бир кун учун кечиктирилган тўлов суммасининг \_\_\_\_ фоизи миқдорида, лекин муддати ўтган тўлов суммасининг 50 фоизидан кўп бўлмаган миқдорда пеня тўлайди.

**5.3.** Бажарилган ишлар сифати, ассортименти ва нави бўйича стандартлар, техник шартлар, намуналарга (эталонларга) мос келмаса Ижрочи хизматлар қийматининг 20% миқдорида жарима тўлайди.

Бунда, жарима суммаси Ижрочининг барча ҳисобварағларидан хизматлар сифати, ассортименти ва нави лозим даражада эмаслиги тўғрисида тузилган далолатномага асосан акцептсиз равишда ундириб олинади.

## **6. ФОРС-МАЖОР**

**6.1.** Агар шартнома имзолангандан сўнг, тарафларнинг эрки ва истагига боғлиқ бўлмаган ҳамда олдиндан кўра билиш ёки олдини олиб бўлмайдиган, фавқулодда вазиятлар оқибатидаги енгиб бўлмас куч мавжуд бўлган тақдирда тарафлар мазкур шартнома бўйича олган мажбуриятларини қисман ёки тўлиқ бажара олмасалар (форс-мажор), бунинг учун улар жавобгар бўлмайдилар.

**6.2.** Куйидагилар фавқулдда вазиятлар (форс-мажор) бўлиб ҳисобланади: сув тошқини, ёнғин, зилзила, портлаш, бўрон, ер кўчкиси, эпидемия ва бошқа табиат ҳодисалари, уруш ёки ҳарбий ҳаракатлар, фуқаролик тартибсизликлари, террорчилик ҳаракатлари.

**6.3.** Форс-мажор ҳолатлари юзага келганда мажбуриятлар бажариш муддати бундай ҳолатлар ва уларнинг оқибатлари давом этган вақтга мутаносиб равишда кечиктирилади.

**6.4.** Тарафлар форс-мажор ҳолатлари вужудга келганлиги ва тугаганлиги ҳақида зудлик билан ёзма равишда бир-бирларини хабардор қилишлари лозим.

**6.5.** Форс-мажор ҳолатига асосланаётган тараф, ваколатли давлат идорасининг бундай ҳолатларни вужудга келганлигини тасдиқловчи тегишли ҳужжатини тақдим этиши шарт.

## **7. КОРРУПЦИЯГА ҚАРШИ ШАРТЛАР**

**7.1.** Тарафлар ушбу шартнома бўйича ўз мажбуриятларини бажараётганда уларнинг ҳар бири ўз фаолиятида коррупцион ҳаракатларни тўлиқ таъқиқлаш ва ҳар қандай шаклда ёрдам (бевосита ёки билвосита), шу жумладан пул маблағлари, қимматбаҳо буюмлар, бошқа мол-мулк ёки мулкӣ ҳарактердаги хизматлар, бошқа мулкӣ ҳуқуқларни олиш/бериш, муайян масалаларни тезроқ ҳал қилишни таъминлаш, маъмурий ва бошқа тартиб-қоидаларни соддалаштириш., рақобат ва бошқа афзалликларни таъминлашни тўлиқ рад этади. Томонлар ўз фаолиятида амалдаги қонунчилик, шунингдек унинг асосида ишлаб чиқилган коррупцияга қарши курашишга қаратилган сиёсат ва тартиб (агар мавжуд бўлса) талабларига амал қиладилар.

**7.2.** Тарафлар ушбу шартнома бўйича ўз мажбуриятларини бажариш чоғида на ўзлари, на ижроия органи, на уларнинг масабдор шахлари ёки ходимлари бирон-бир шахсларга (жумладан, жисмоний шахслар, тижорат ташкилотлари ва давлат мансабдор шахслари) коррупцион тўловларни тақдим этишни таклиф қилмаслигини, тақдим этмаслигини, розилик бермаслигини, шунингдек ҳар қандай шахсдан (тўғридан-тўғри ёки билвосита) ҳар қандай коррупцион тўловларни олишга ёки қабул қилишга рози бўлмасликларини кафолатлайди.

**7.3.** Мазкур бўлимнинг бирон бир шартлари бузилган тақдирда, тегишли тараф бошқа тарафни бундай бузилиш содир бўлган кундан бошлаб 5 (беш) иш куни ичида ёзма равишда хабардор қилиш мажбуриятини олади. Тараф ёзма хабарномада ушбу бўлимнинг қайси бир қоидалари бузилганлигини тасдиқловчи ишончли фактлар ва материалларни тақдим қилиши шарт.

**7.4.** Ушбу бўлим қоидалари тарафлардан бири томонидан бузилганлиги факти тасдиқланганда ва/ёки бошқа тарафнинг қоидабузарликларни кўриб чиқиш ҳақида хабарнома натижалари юзасидан маълумот тақдим қилмаган тақдирда, бошқа тараф шартномани бир тарафлама қисман ёки тўлиқ бекор қилишга ҳақли.

**7.5.** Мазкур шартномани коррупцияга қарши шартларга асосланиб бекор қилган тараф, бундай бекор қилиш натижасида етказилган ҳақиқий зарарни талаб қилишга ҳақли. Зарарларни қоплаш тарафлар томонидан ёзма равишда тасдиқланаган далолатномада белгиланган муддат ва миқдорда амалга оширилади.

## **8. НИЗОЛАРНИ ҲАЛ ЕТИШ ТАРТИБИ**

**8.1.** Ушбу шартномани бажаришда юзага келиши мумкин бўлган низо ва келишмовчиликлар томонлар ўртасидаги музокаралар орқали ҳал қилинади.

**8.2.** Агар бу низо ва келишмовчиликлар музокаралар йўли билан ҳал етилмаса, низо Тошкент туманлараро иктисодий судида Ўзбекистон Республикасининг амалдаги қонунчилигига мувофиқ ҳал етилади.

## **9. БОШҚА ҚОИДА ВА ШАРТЛАР**

**9.1.** Мазкур шартнома тарафлар томонидан имзоланган пайтдан бошлаб кучга киради ва тарафлар ўз мажбуриятларини йил давомидаги 365 кунга қадар амал қиладди.

**9.2.** Мазкур келишув томонларнинг келишувига кўра бекор қилиниши мумкин.

**9.3.** Ушбу шартномага ҳар қандай ўзгартириш ва қўшимчалар ёзма равишда киритилиб, тарафларнинг ваколатли вакиллари томонидан имзолагандан бошлаб амал қиладди.

9.4. Шартномада назарда тутилмаган бошқа барча масалалар Ўзбекистон Республикасининг амалдаги қонунчилигига кўра ҳал этилади.

9.5. Ушбу шартнома бир хил юридик кучга ега бўлган икки асл нусхада, томонларнинг ҳар бири учун бир нусхада тузилади.

## **10. ТОМОНЛАРНИНГ МАНЗИЛЛАРИ ВА БАНК РЕКВИЗИТЛАРИ**

**Буюртмачи:**

**Ижрочи:**

ЖАДВАЛ

Кўрсатилган хизматлар номи (бажарилган ишлар)	Ўлчов бирлиги	Кўрсатилган хизматлар ҳажми (бажарилган ишлар)	Кўрсатилган хизматлар қиймати (бажарилган ишлар)	Кўрсатилган хизматлар умумий миқдори (бажарилган ишлар)	Кўрсатилган хизматлар муддати (бажарилган ишлар)

Ижрочи \_\_\_\_\_  
(имзо, муҳр)

Буюртмачи \_\_\_\_\_  
(имзо, муҳр)